



**Claudii Fleurii Abbatis Historia Ecclesiastica**

Ab anno Christi 1572 usque ad annum 1581

**Fleury, Claude**

**August. Vind. [u.a.], 1772**

**VD18 90118642**

§. 31. Generosum Nobilis Carducensis facinus erga suum hostem.

---

[urn:nbn:de:hbz:466:1-67232](#)

Sæcul. XVI stotelis doctrinæ servilem in modum in-  
A.C. 1572 hærerent: præterea instituit Mathematicam Scholam, cuius Professori annum proventum quingentarum librarum e facultatibus suis attribuit. Porro hujus hæretici cædes Dionysium Lambinum linquæ Græcæ, ac latinæ Profes- forem tanto terrore obruebat, ut in gravissimum morbum incidens post unius mensis spatum decederet, cauſa hujus mortis pariter Carpentario adscripta, quamvis aliunde simultates, quæ inter utrumque hunc Doctorem exortæ erant, nonnisi quasdam privataς opiniones circa Horatii opera re- spicerent; Lambinus enim Aristotolem, cuius opera moralia latine reddiderat, propugnabat, ceteroquin autem Religioni Catholicæ immota fide adhærens.

## §. XXXI.

*Generosum Nobilis Carducensis faci-  
nus erga suos hostes.*

*Thuan. l. 52.  
pag. 823.  
Duplex hist.  
de France  
t. 3. p. 791.* Eadem die cædibus funesta heroicum plane facinus, memoratu dignum acciderat. Jam dudum duo Carducenses Nobiles, quorum primus Vezinius, Regius in Provincia Vicarius, rudit, ferocisque indolis vir, alter vero Reinierus animi mansuetudine clarus erat, feso odio plusquam vatiniano insectabantur: cum autem Reinierus secta Calvi-

Sæcul XVI.

A.C 1572.

Calvinista Regi Navarræ addictissimus  
effet, ac cum eo ad aulam venisset, eo  
tempore Vezinius quædam officii sui ne-  
gotia pertactatus pariter eo advene-  
rat, qui absolutis in aula negotiis suis,  
cum jamjam discessum pararet, cam-  
panam in Ecclesia sancti Germani An-  
tissiodorensis pulsari percipit, ac cædi  
initium dari cernit: ergo de hostis sui  
forte sollicitus, equum conscendit, at-  
que ad Reinerii ædes properans, ef-  
fractis foribus ipsius cubile ingreditur,  
dextera sclopetum, altera manu eva-  
ginatum ensim tenens, quo conspecto  
Reinerius Calvinista terrore perculsus  
e lecto suo prosilit, atque in genua pro-  
volutus Dei misericordiam implorat, nil  
nisi feralem ictum certo expectaturus:  
cum ecce! Vezinius Catholicus adeo  
non hostem suum interimere cogitat,  
ut etiam eidem repente præciperebat, qua-  
tenus mox vestes suas indueret, parato-  
que equo insidens auflugeret: ad hæc  
morem gerit Calvinista, & Vezinius nil  
ultra addens adversarium suum pro-  
spere e Parisina urbe educit, eumque  
Carducum usque ad arcem suam comi-  
tatur, quin toto itineris spatio vel ver-  
bulum cum eo loqueretur: tandem vero  
soluto silentio: „iam dudum, inquietabat, de  
„te vindictam sumere potuisse, si oppor-  
tuna voluisse occasione uti: verum  
„salya

Sæcul. XVI. „salva Religione, ac honore meo id at-  
A.C. 1572. „tentare nolui, tuaque virtus, ut peri-  
 „culi mecum socius essem, te dignum  
 „mihi exhibebat: igitur ex meis favori-  
 „bus vivas, ac persuasum tibi habeas,  
 „quod deinceps litem nostram mediis  
 „inter Nobiles usitatis componendi vo-  
 „luntatem adeo pronam in me exper-  
 „turus sis, ac nunc me intentum vidisti,  
 „ut te a præsentaneo periculo eriperem..”  
 His Vezinii verbis Reinierus intimo sen-  
 su tactus suo benefactori hæc reposuit:  
 „conditione, quæ impleri nequit, litem  
 „nostram onerasti, nunquam enim res  
 „utrinque ad æqualitatem reduci pote-  
 „runt: quippe tua erga me generosi-  
 „tate mihi animum, vires, ac me de-  
 „fendendi voluntatem eripiusti: nec  
 „aliud mihi reliquum est, nisi ut te,  
 „ubicunque volueris, sequar, vitam-  
 „que meam, quam tibi debeo, in tuum  
 „obsequium impendam..” Prolatis his  
 verbis Calvinista ulnis apertis in Vezinii  
 amplexus ruebat, hic autem ferociam,  
 animumque haud commotum ostentare  
 statuens reponebat: tuum est eligere,  
 an me tanquam amicum, vel inimicum  
 habere velis, nulloque exspectato re-  
 sponso calcaribus equo impactis illum,  
 quo iter suum confecerat, equum re-  
 liquit, ac nequidem illum fors remit-  
 ten-

tendum accipere, vel illius pretium  
acceptare voluit

Sæcul. XVI.

A.C. 1572.

Interea Pariliis cædes per septem om-  
nino dies continuabatur, de qua referunt  
nonnulli, plusquam quinque hominum  
millia ibidem fuisse trucidata; quamvis  
enim Rex vespere in festo sancti Bar-  
tholomæi tubæ sonitu per universam  
urbem promulgari jussisset, quod qui-  
libet ad sua reverteretur, nec e domo  
exiret, indicta etiam mortis pœna in  
eos, qui huic mandato refragaturi essent:  
hujus tamen edicti exigua habebatur  
ratio.

§. XXXII.

*Populus Parisinus restorescente Alba  
Spina ferocior factus.*

Ceterum populi furor augebatur oc-  
casione desumpta ex quodam rubi  
genere, quod oxyacantham, seu Al-  
bam Spinam vocant; hæc enim quan-  
tumvis ferme exsiccata, suisque foliis  
exuta, nihilominus in Sanctorum In-  
nocentium cæmeterio eadem die alieno  
prorsus tempore flores progerminare  
cæperat: quamvis vero hic eventus  
forte naturæ vires non excederet, fa-  
ctiosi tamen rem velut prodigium de-  
prædicabant, atque ad Deum refere-  
bant, qui vindictam ab hæreticis sum-  
ptam gratam habere hoc indicio testa-

Thuan. l.c.

Spond. n. 15.

Dupleix

pag. 739.

Hist. Eccles. Tom. XLIX. D tus